



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-495-6/25**
Datum: **22.12.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „ASD VT“ d.o.o. Vitez za donošenje rješenja o vodnoj dozvoli za ispuštanje otpadnih voda sa lokacije servisa motornih vozila koja se nalazi u naselju Husino, Grad Tuzla, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „ASD VT“ d.o.o. Vitez, daje se vodna dozvola za ispuštanje otpadnih voda sa lokacije servisa motornih vozila, koja se nalazi u naselju Husino, Grad Tuzla, na zemljištu označenom kao k.č. broj: 118/3, 118/4, 118/6, 119/1 i 119/2 K.O. Husino.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da investitor obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni na lokaciji servisa motornih vozila, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se izradi investiciono tehnička dokumentacija za ispuštanje otpadnih voda sa lokacije servisa motornih vozila, koja se nalazi u naselju Husino, Grad Tuzla. Investiciono-tehnička dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») a u skladu sa odredbama Zakona o vodama i treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata, koja su bitna za konkretan slučaj («Službene novine Federacije BiH, broj 31/15, 55/19, 41/20 i 63/22)
 - 3.3. Da se aktivnost pretakanja motornih ulja vrši u zatvorenom prostoru za tu namjenu i na način da se onemogućiti rasipanje i spriječi onečišćenje voda i tla.
 - 3.4. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.

- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.)
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „ASD VT“ d.o.o. Vitez, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta autoservisa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „ASD VT“ d.o.o. Vitez, zahtjevom broj: 011-11/25 od 12.11.2025. godine obratio se ovoj Agenciji za donošenje rješenja o vodnoj dozvoli za ispuštanje otpadnih voda sa lokacije servisa motornih vozila, koja se nalazi u naselju Husino, Grad Tuzla, na zemljištu označenom kao k.č. broj: 118/3, 118/4, 118/6, 119/1 i 119/2 K.O. Husino.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 051-0-RegZ-25-000484 od 24.03.2025 godine izdat od Općinskog suda u Travniku – ovjerena kopija,
- Uvjerenje o poreznoj registraciji izdato 15.12.2016.godine, od strane Porezne uprave – Kantonalni ured Novi Travnik-ovjerena kopija
- Dokaz o uplaćenju upravnoj pristojbi,
- Zemljišnoknjižni izvadak broj uloška 3987 od 13.11.2025 godine izdat od strane Općinski sud u Tuzli-ovjerena kopija,
- Kopija katastarskog plana broj plana 4, UR broj: 07-27-8479/2025-3 od 14.11.2025. godine izdata od strane Službe za geodetske i imovinsko pravne poslove, Grad Tuzla,
- Posjedovni list broj 2729 broj: 07-31-4790/19-2 od 31.05.2019. godine izdat od strane Službe za geodetske i imovinsko pravne poslove, Grad Tuzla-kopija,
- Informacija o usklađenosti sa dokumentima prostornog uređenja broj: 06/18-19-SI.532/2025 SR od 18.11.2025 godine od strane Službe za prostorno uređenje i zaštitu okoline, Grad Tuzla,
- Rješenje o odobrenju za upotrebu objekta autoservisa broj: 06/10-23-004665/05 od 19.12.2005. godine izdato od strane Službe za prostorno uređenje i zaštitu okoline Tuzlanskog kantona,

- Rješenje o odobrenju za građenje broj: 06/10-23-001637/05 od 11.08.2005. godine izdato od strane Službe za prostorno uređenje i zaštitu okoline Tuzlanskog kantona,
- Rješenje o prethodnoj vodnoj saglasnosti broj: 04/1-13-21-22193/25 od 26.08.2025. godine izdato od strane Ministarstva poljoprivrede, šumarstva i vodoprivrede Tuzlanskog kantona,
- Ugovor o pružanju usluga zbrinjavanja opasnog otpada zaključen sa „AIDA-COMMERCE“ d.o.o. Sarajevo dana 18.01.2025. godine,
- Transportna dokumentacija za otpad od strane „AIDA-COMMERCE“ d.o.o. Sarajevo dana 18.12.2025. godine.
- Studija za prethodnu vodnu saglasnost za rekonstrukciju i dogradnju objekta za servis automobila sa pomoćnim objektima u naselju Husino, Grad Tuzla, urađena od strane JP za vodoprivrednu djelatnost „Spreča“ d.d. Tuzla, juli 2025. godine,
- Izjava broj: 003-12/25 od 08.12.2025. godine od strane podnosioca zahtjeva.

B. Tehnička dokumentacija

- Glavni projekat objekta servisa za popravku putničkih automobila i pomoćnog objekta u naselju Husino, Tuzla, urađen od strane „Studio 2003“ d.o.o. Tuzla, juli 2004 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-495-2/25 od 09.05.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće: Predmetni poslovni objekat namjene poslovnog objekta servis motornih vozila se nalazi u naselju Husino, Grad Tuzla, na zemljištu označenom kao k.č. broj: 118/3, 118/4, 118/6, 119/1 i 119/2 K.O. Husino.

Na predmetnom lokalitetu se nalaze sljedeći objekti: Glavni objekat u kojem je smještena prijemna prostorija, autoservis i skladišni prostor, pomoćni objekat sa administracijom i sanitarnim čvorom te manipulativni plato i parking prostor.

Obzirom da se u postupku rješavanja zahtjeva utvrdilo da su za postojeće objekte ispunjeni uslovi (pribavljeno rješenje o upotrebi objekta i objekat u funkciji) te se isti može voditi kao zahtjev za izdavanje rješenja za vodnu dozvolu, podnosilac zahtjeva je dao saglasnost aktom-Izjava broj: 003-12/25 od 08.12.2025 godine.

Na predmetnoj lokaciji je planirana rekonstrukcija i dogradnja a odnosi se na objekat administracije i izgradnje skladišta. Za navedenu aktivnost rekonstrukcija i dogradnja u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije o čemu je dato mišljenje u našem aktu broj: 40-1728-2/25 od 10.12.2025 godine.

Servis automobila će se zadržati u glavnom objektu i u postojećem obliku.

U poslovnom objektu autoservisa se vrši aktivnost servisiranja auta i za isti je pribavljeno Rješenje o odobrenju za upotrebu objekta autoservisa broj: 06/10-23-004665/05 od 19.12.2005. godine izdato od strane Službe za prostorno uređenje i zaštitu okoline Tuzlanskog kantona.

Prilikom uviđaja utvrđeno je da su na terenu izvedeni radovi na sistemu za prikupljanje, tretman i ispuštanje otpadnih voda.

Tehnološke otpadne vode nastaju kod servisiranja vozila i pranja prostora u kome se vrši servisiranje te u slučajevima rasipanja medija (ulje, nafta i sl.) unutar radnog prostora. Ove vode iz autoservisa – radionice se prikupljaju sistemom kanalicama i odvođe u rešetku ispred objekta te potom odvođe na tretman u separator ulja i masti. Prečišćena voda se preko okna za monitoring ispušta zacijevljeni putni kanal a potom ispušta u rijeku Jalu.

Snabdijevanje vodom za potrebe predmetnog objekta se vrši sa gradskog vodovoda za šta je podnosilac zahtjeva pribavio Rješenje o prethodnoj vodnoj saglasnosti broj: 04/1-13-21-22193/25 od 26.08.2025 godine izdato od strane Ministarstva poljoprivrede, šumarstva i vodoprivrede Tuzlanskog kantona.

Prilikom uviđaja utvrđeno je da se pretakanje istrošenih motornih ulja vrši na otvorenom te da dolazi do prosipanja te je u skladu sa navedenim dat uslov u tački 3.3. ovog Rješenja.

Zbrinjavanje opasnog otpada se vrši od strane ovlaštene firme „AIDA-COMMERCE“ d.o.o. Sarajevo.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i cc) i članova 19, 20 i 21. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „ASD VT“ d.o.o. Vitez, ispunio minimum uslova za izdavanje vodne dozvole za ispuštanje otpadnih voda sa lokacije servisa motornih vozila u naselju Husino, Grad Tuzla, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- „ASD VT“ d.o.o. Vitez, Donja Dubravica bb, 72250 Vitez (Prilog: Tehnička dokumentacija navedena pod tačkom B. obrazloženja Rješenja).
- Ⓞ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo